

**ՄՏԱԴՐՈՒԹՅՈՒՆՆԵՐԻ ՄԱՍԻՆ  
ՅՈՒՇԱԳԻՐ**  
**Սիթի օֆ Սմայլ բարեգործական հիմնադրամի  
և  
ԲԿՄԱ ֆուտբոլային ակումբի միջև**

Մտադրությունների մասին սույն հուշագիրը (այսուհետ՝ «Հուշագիր») ստորագրվում է Սիթի օֆ Սմայլ բարեգործական հիմնադրամի (այսուհետ՝ հիմնադրամ) և ԲԿՄԱ ֆուտբոլային ակումբի (այսուհետ՝ ԲԿՄԱ) միջև, այսուհետ միասին՝ «Կողմեր»:

Հուշագրի շրջանակներում ԲԿՄԱ ֆուտբոլային թիմը մեկ տարվա ընթացքում անհատույց պարտավորվում է կրել թիմի շապիկները հիմնադրամի տարբերանշանով (լոգոյով):

**Սույն հուշագրի նպատակը և հիմնական խնդիրներն են՝**

- Իրագեկել հանրությանը հիմնադրամի գոյության և գործունեության վերաբերյալ,
- Բարձրացնել հիմնադրամի ճանաչելիությունը
- Նպաստել բարեգործության մշակույթի զարգացմանը հանրության շրջանում

**Կողմերը** կարևորում են համագործակցության շրջանակի սահմանում և փոխգործակցությունը՝ ընդհանուր նպատակների շրջանակներում՝ ոչ բացառիկ հիմունքներով:

**Կողմերը** համաձայնում են աշխատել միասին՝ փոխադարձ վստահության և համագործակցության ոգով:

**Կողմերը** համաձայնում են շարունակաբար փնտրել և ամրապնդել համագործակցության նոր ուղիներ:

**Կողմերը** համաձայնում են, որ համագործակցությունը չի առաջացնում որևէ ֆինանսական պարտավորություն կողմերից որևէ մեկի համար:

**Կողմերը** համաձայնվում են հետևյալի մասին.

- Յուրաքանչյուր Կողմ պատասխանատու է սույն Հուշագրի և դրա իրագործման հետ կապված գործողությունների ու բացթողումների համար:

**Կողմերը** դիտարկում են հետագա համագործակցության հնարավորությունները՝ գործընկերությունը հաստատելու նպատակով:

**Կողմերն** ընդունում են սույն Հուշագրի սահմանափակ լինելը վերը ներկայացրած շրջանակներում և այն, որ Հուշագիրը Կողմերի համար հետագա լրացուցիչ պարտավորություն չի առաջացնելու:

Սույն Հուշագիրն ուժի մեջ է մտնում երկկողմ ստորագրումից հետո և վավեր է 1 տարի ժամկետով:

Կողմերից յուրաքանչյուրը կարող է ցանկացած պահի հրաժարվել Հուշագրից՝ 30 օր առաջ նախապես գրավոր ծանուցելով մյուս կողմին:

Սույն Հուշագիրը կարող է փոփոխվել, թարմացվել կամ դադարեցվել ցանկացած ժամանակ՝ փոխադարձ համաձայնությամբ:


Կողմերից և ոչ մեկը մյուս կողմի ներկայացուցիչը կամ գործընկերը չի կարող համարվել: Կողմերից և ոչ մեկը մյուս կողմի անունից չի կարող ներգրավվել որեւէ այլ պայմանագրի կամ պարտավորության մեջ և պատասխանատվություն է ստանձնում բոլոր հանձնառությունները կատարել բացառապես սեփական միջոցներից՝ ինչպես նշված է սույն Հուշագրում:

Կողմերը գիտակցում են, որ փոխադարձ համաձայնությունները պետք է հրապարակվեն և, հետևաբար, ընդունում են սույն համագործակցության շրջանակներում հրապարակվող տեղեկատվական փաստաթղթերի մեջ տեղ գտած յուրաքանչյուր կողմի դերը և ներդրումը, համաձայնում են այդ փաստաթղթերում օգտագործել յուրաքանչյուր կողմի անվանումը և խորհրդանիշը՝ ըստ կողմի հաստատված քաղաքականության, որը պետք է հաստատվի յուրաքանչյուր ստորագրողի նախնական գրավոր համաձայնությամբ:


Կողմերը կքննարկեն հետագա հնարավորությունները՝ համագործակցության ընդլայնման համար:

**Ստորագրված է**

**Սիթի օֆ սմայլ բարեգործական հիմնադրամի կողմից՝**

  
Էսթեր Դեմիրճյան  
տնօրեն  
Ամսաթիվ՝ 04.08.2020

**ԲԿՄԱ ֆուտբոլային ակումբի կողմից՝**

  
Գագիկ Աղբալյան  
տնօրեն  
Ամսաթիվ՝ 04.08.2020